



A Latheus & Frigitermus Gothorū reguli fuerunt, qui magna corporis & animi fortitudine erant præditi. Erant autem Gothi Germaniæ populi qui Pannoniam inhabitabant, atque olim Daci & Gethæ dicti fuerant. Illorum ij qui magis uersus Orientem confederant Ostgothi aut Ostrogothi, qui uersus Occidentem Vuestgothi aut Visigothi dicti sunt. Cum ijs Romanorum Imperatores multis annis uario Marte bella gesserunt, atque tandem fœdus inierunt. Eo autem tempore cum Valens in Oriente Imperium obtineret, Gothi magno Romani imperij malo ab Hunnis uicti, pulsique suis sedibus Istrum tumultuose transuere. Hos Valens Imperator, qui ad eum motum occurrerat, sine ullo fœdere citra Danubium in Romanæ prouinciæ solo constituit. Polliciti enim Gothi erant, sese Christianorum doctrinam professuros, atque tutam Romani imperij ripam ab Hunnis & omnium aliarum gentium incurso præstafuros. Itaque Valens qui Arriana luce infectus erat, eius generis Antistites ad eos misit, atque per eos potentem gentem Christianos effecit. Dati etiam sunt Lupicinus & Maximus duces, qui Gothorum desiderijs maturè consulere. Cum autem illi auarè nimis agerent, malignèq; uictum ipsi genti ministrarent, sibi & multis exitium quæliuere. Tulerunt tamen aliquandiu Gothi suam calamitatem, & Romanorum ducum auaritiam. Tandem uerò fame adacti, Alatheo & Frigitermo uiris fortissimis suorum patientiam increpantibus, Romanum prælidium repente adorti, cum ipsis ducibus trucidarunt. Postea quoque metu discusso Mysiam & Traciam armis subigunt, & subactis tributum imponunt.